

TAFASWIRI AN-KIBUSHI NIM-MATEKELEZO KI DUNIA NIN-HAKI-L-ADAMÌ

ALUHA NIN-VUDIN'NI KURAJA

An-fahitaja amba, fikuḅaliḅa amba ḅinadamu ḅjabi nitirahinyi ndreka usheu ndreka haki meraḅa nandzari ro musingi nin-nafasi, nin-haki ndreka usalama duniani ;

An-fahitaja amba, tsifahizaja ndreka fipuzisaja haki-l-adamì ro mikutsonga faḅanovaja shitrendro ki katili maneitri rohu nin-umati ḅjabi, amin'ni zenyi, fitunga nin-ulemengu mbu kuruhusu ḅinadamu ivulaja ndreka ikwamini aminnafasi, ḅilà tahutru wala taāḅu nin-ufukara, ro nikutekelezaja kirasimi, ustaāraḅu beheben-ḅjabi ninhulumbelu ;

An-An- fahitaja amba, aḅatin'ni sharia-musingi nin-ndreu, zanatani nin-Uvumoja nin-Twaifa (Shama nin-Daula nin-Ulemengu) nikutekeleza mara hafa uaminifu nin-ndreu amin'ni haki musingi nim-ḅinadamu ; amin'ni usheu ndreka kima ninhulu an-rohuni, amin'ni fihiraja nin-haki nin-lalahi ndreka viavi, amin'zenyi, reu nampahei amba reu nangala āzima ampadeha aluha faḅadzarisaja maisha nimḅinadamu ndreka ampiditri an-lalaja raha mbu andei tanafu tsara am-maisha nin-nafasi nankitinyi nimḅinadamu ;ahitaja amba, nikulazimu natou nguvu fihavajana ḅainan'ni tani ndreka tani ;

An- fahitaja amba, Daula Aḅatin-shama itì ndreka shama nin-Uvumoja nin-Twaifa (Shama nin-Daula nin-Ulemengu) nangala wahadi an-ndreu aḅaraka kabaru retu atà haki-ladamì ndreka nafasi musingi ikustehinyi nankitinyi amin'ni dunia mafia ;

An- fahitaja amba, fikutrugaja ḅjumla nin-sharia ndreka nafasi retu nandzari muhimu swafi an-fikustehiaja namuna kulazimu, wahadi itì ;

Trengwe ḅjumla nampahei amba Matekelezo ki Dunia nin-Haki-l-Adamì itì

ro daradja aḅaḅaḅaḅun-ḅjabi nin-ustaāraḅu nikulazimu nahazu nin-kula karazaja zanatani ndreka nishani, anga ḅinadamu ḅjabi ndreka kula karazaja ninfikueshiḅandreu, ihisi Matekelezo itì daima amin'ni luhan-ndreu, aḅanu ḅjitihadi amin'ni fampidzuruaja ndreka fitarimiaja, ampiasa masitaha nin-sharia ndreka nafasi retu ; amin'ni zenyi, aḅanu modeli ata, amin'ndreu maḅapiditri an-lalaja moramora-moramora satua mifotutru tani ou mifotutru dunia, reu ikutsonga ata fikuḅaliḅa ndreka fikurumiaja reu itì, ike nin-ankitinyi amin'ni dunia mafiha ; rangu amin'ni zanatani nin-Daula aḅatin'ni Uvumoja nin-Twaifa (Shama nin-Daula nin-Ulemengu) ata an-tani amin'ni hifadhwi ni sharian-ndreu.

Kanuni aluha

ḅinadamu ḅjabi nitirahinyi an-nafasi, reu bokeu miraja amin'ni usheu ndreka haki. Reu teraka ndreka ākili ndreka hikima, amin'ni zenyi, reu nikulazimu nisi tweraja nin-fihavaja reu sambu reu.

Kanuni faha aroini :

Kula huluḅu meti mikudai fikurumianaaja amin'nazi ninsharia ndreka nafasi retu ḅjabi, nivulajana amin'ni Matekelezo itì, wala tsisi fifidanaaja tsokao yotsi, mfano mifotutru kabila, range (nin-nenyi), lalahi au viavi, fivulajana, dini, fikira ki siasa au fikira hafa tu, tani nibwahaja au daradjan-huluḅu, mali, teraka au kabaru hafa tu.

Boka eu, tsi uhisi fifidanaaja tsokao yotsi mbu atou hatasiḅaḅun' ni daradja nin-siasa, nim-mahakama au hatasiḅaḅun'ni abezan-tani au gitro nin-tani nibwaha ninhuluḅu ;

neka tani iu au gitro nin-tani iu huru, nikutawalan'ni tani hafa, tsi mahaleu teja au nikupunguzaŋa yezi.

Kanuni faha teluni :

Kula shumbe-bɪnadamu misi haki an-fikueshiaŋa, annafasi ndreka an-hifadhwi nin-nafusini.

Kanuni faha efatrani :

Tsisi huluŋu mbu atou andevu au andivuzana : fandivuzana ndreka kula kalite nin-fanyiraha ki andevu, tsi kuruhusuŋu.

Kanuni faha dimini :

Tsisi huluŋu mbu atou matriko, wala fihezinyi ou kudilinyi kara raha tsisi manani ou atou raha mikulanisa izi.

Kanuni faha tshutani :

Kula huluŋu misi haki an-fikuɓaliaŋa haki nazi kula mahala misi izi.

Kanuni faha fituni :

Huluŋu djabi miraŋa an-lalaŋa ki sharia ndreka misi haki djabi ɓilà fifidanaŋa, an-hifadhwi miraŋa nin-sharia. Huluŋu djabi misi haki miraŋa an-sharia mikuhifadhwi huluŋu ndreka kula ubanguzi mandeha kinyume ndreka Matekelezo itì, ndreka kula fikutsotsaŋa ubanguzi itì.

Kanuni faha valuni :

Kula huluŋu misi haki an-fandihaŋa mikushitaki ammahakama nin-tani misi maãrifa amin'ni kabaru nazi, neka haki-musingi nazi, boka eu nikubalin'ni sharia be musingi ou sharia tu, tsi nikusutehinyi.

Kanuni faha sivini :

Tsisi huluŋu mbu heti tanin-sirikali ou gadrani lajoli ou atuwatanini ɓilà sibabu.

Kanuni faha fuluni :

Kula huluŋu misi haki, an-fihiraŋa swafi, an-faŋanovani modeli atà hadja nazi urenyim-mahakama tsi kisirikali, tsi mampinonu hila, an-lalaŋa nin-haki ndreka anyivunntrengwe. Mahakama itì ro mbu ahei neka huluŋu itì amin'ni haki nazi ndreka farudhwi nazi au mashitaka natoŋa izi itì maŋaraka lalaŋa.

Kanuni faha fulu areki ambini :

Kula huluŋu nikuhutumunu ndreka tabia ratsi, kaza taninyi ndreka halathwi paka izi kuhukumunu kirasimi am-mahakama mbiŋa an-trengwe, amin'izi eu, kula kabaru miditri amin'ni difãï nazi djabi nikurumianaŋa.

Tsisi huluŋu mbu vangoŋa kubeï hatasibaɓun'ni ãmali au raha tsi nishugulinyi, ndreka wakati naŋanovaŋa reu itì, reu tsi nalaŋa amba tabia ratsi amin'ni sharia nin-tani au nin-ulemengu. Boka eu kua, tsisi raha rati mandiltra inyi fa vua huluŋu lera naŋanovaŋa tabia rati retu, mbu vua huluŋu kua.

Kanuni faha fulu aroi ambini :

Tsisi huluḡu mbu hidiraḡa bila sifaḡu, am-maisha ninantanana nazi, amin'ni havaḡa nazi, amin'ni traḡu nazi au amin'ni barua nazi ; wala tsisi huluḡu mbu hiditri amin'ni kabaru mbu ikupua huluḡu usheu, mbu andatsaka izi. Kula huluḡu misi haki an-hifadhwi ninsharia mamahaḡa fidiraḡa an-huluḡu ndreka fikufutsuhaḡa maisha nin-huluḡu.

Kanuni faha fulu telu ambini :

Kula huluḡu misi haki an-fidiraḡa ndreka fibwahaḡa an-nafasi ndreka an-fifidanaḡa mahala ipitrahani aḡatin'ni Daula .

Kula huluḡu misi haki an-fibwahaḡa an-nakwakila tani, ata an-tani nazi, ndreka an-fipudiani an-tani nazi.

Kanuni faha fulu efatra ambini :

Am-mahala misi udilifu, kula huluḡu misi ruhusa mitsakaraka mahala ififiaḡa, boka eu, misi furswa ahazu mahala ififiani amin'ni tani hafa.

Sharia iti tsi hetu kurumianaḡa neka huluḡu mila ikurumianaḡa izi itì, tsakarahin'ni sirikali hatasifaḡun'ni shidrendro natoni niditri amin'ni baãdhwi nin-shidrendro nikudukuruḡu amin'ni sharia djumla au hatasifaḡun'ni tabia natoni tsi miaraka ndreka madhumuni ndreka makuswada nin-Uvumoja nin-Twaifa (Shama nin-Daula nin-Ulemengu).

Kanuni faha fulu dimi ambini :

Kula huluḡu misi haki an-fazahaḡa uraãa.

Tsisi huluḡu mbu hetu fahaḡana kaza ahazu uraãa au amadiki uraãa, bila sifaḡu.

Kanuni faha fulu tshuta ambini :

Neka reu fa kutsimu, lalahi ndreka viavi nin-kula nishani, kula uraãa au kula dini, meti manambadi ndreka miteraka zanakan-ndreu. Hakin-ndreu amin'ni kabaru mifotutru vadiaḡa meraga, lera reu amin'ni vadiaḡa ndreka lera reu miboḡu.

Vadiaḡa mbu hetu atou neka bwana harusì ndreka bweni harusì nikubali izi itì.

Fihisiaḡa havaḡa iu raha amin'ni vatan-huluḡu boka eu muhimu amin'ni maisha ki udjamaã ; izi itì misi furswa ahazu hifadhwi nin-udjamaã ndreka nin-Daula.

Kanuni faha fulu fitu ambini :

Kula huluḡu, rangi inyi mipetraka izi areki ata inyi mipetraka an-djamaã, misi furswa amba izi hu tompinshandza.

Tsisi huluḡu mbu hetu fahaḡana bila sifaḡu amba izi kaza utompin-shandza.

Kanuni faha fulu valu ambini :

Kula huluḡu misi haki an-fihisiaḡa nafasi nin-fikufikiriḡa, nin-fikurumianaḡa ãkili-musingi ndreka nin-fihisiaḡa dini ; haki itì mikuruhusu huluḡu mamadiki dini au fikira, ndreka maḡamia huluḡu nafasi mampahei dini au fikira nazi izi areki au ndreka ri namani rangi an-karamandza ata an-traḡuni ; amin'ni fidzuruḡa izi, amin'ni

fajanovaŋa izi, amin'ni fajanovaŋa ĩbada ndreka mahafala mifotrutu dini itĩ.

Kanuni faha fulu sivi ambini :

Kula huluŋu misi haki an-fihisiŋa nafasi ninfaŋabwahana fikira ndreka nin-fivulaŋana ; maãnani iu, huluŋu misi haki an-tsifiampidzaliŋa huluŋu hatasiɓabu nin-fikira nazi ; an-fahazuŋa ndreka faŋabuŋuŋa bila tsisi fikutundaŋa mupaka, kabaru ndreka fikira, an-kula lalaŋa mbu kurumianaŋa.

Kanuni faha aropuluni :

Kula huluŋu misi haki an-fihisiŋa nafasi nin-fivuriŋa ndreka nin-fajanovaŋa shama tsisi tashahushi.

Tsisi huluŋu mbu atou nguvu ihiditri an-shama.

Kanuni faha aropulu areki ambini :

Kula huluŋu misi haki an-fangalaŋa fuvu anfaŋandesana kabaru mifotutru huluŋu djabi an-tani nazi, nahika ro huluŋu tompini au amin'ni huluŋu maŋatitri wakala nifidanaŋa an-nafasi.

Kula huluŋu misi haki an-fihisiŋa lalaŋa, mikustehi masharutwi nin-fihiraŋa, iditri an-hasa ki sirikali nin-tani nazi.

Nia nin-zanatani io ro musingi nin-yezi nin-sirikali ; nia itĩ nikulazimu kutekelezana amin'ni voti mazava nikulazimu natou kula mumba muda, amin'ni lalaŋa mikukarbisa huluŋu djabi an-fihiraŋana, amin'ni voti ninsiri au maŋaraka fomba miraŋa ndreka voti nin-siri, mikuruhusu unafasi nin-voti.

Kanuni faha aropulu aroi ambini :

Kula huluŋu, amin'izi huluŋu nin-djamaã, misi haki anfazahuŋa hifadhwi ki fihavaŋana (ki siraki) ; musingi nin-hifadhwi iu, ro fikutsimidzaŋa haki mifotutru ãkiba, udjamaã ndreka utamaduni muhimu an-hishima nazi ndreka an-huvambufu an-nafasi nin-twerana, hatasiɓabun'ni djitihadi ki tani ndreka fishirikaŋa ki ulemengu, hatasiɓabun'ni namuna nin-kupangaŋa ndreka rasulimali nin-kula tani.

Kanuni faha aropulu telu ambini :

Kula huluŋu misi haki an-fazahuani hasa ndreka anfihisiani shabaha an-fifidanani hasa amin'ni lalaŋa ninhaki bokeu kusutou nin-hasa ; ndreka misi haki anfikuhafadhwiŋa izi ndreka fipitrahana-bure.

Huluŋu djabi, wala tsisi fifidanaŋa, misi haki anfazahuŋa mushahara meraŋa an-fajanovaŋa hasa miraŋa.

Kula huluŋu miasa, misi haki an-fazahuŋa mushahara kusutou, modeli nikulazimu mbu ikuruhusu izi ndreka ri havani uhisi maisha ki ubinadamu, bokeu meti susohinyi ndreka musada hafa nin-hifadhwi ki udjamaã.

Kula huluŋu misi haki an-fikupangana ndreki ri havani, shama nin-fikudaiŋa haki nin-huluŋu nin-hasa, an-fihidirani an-shama mikudifaĩ tanafu nazi.

Kanuni faha aropulu efatra ambini :

Kula huluŋu misi haki an-faŋabwahana vaha ndreka fangalaŋa nafasi, amin'ni zenyi,

an-fañanovaña mupaka mikustahiki amin'ni muda nin-hasa ndreka anfañabwahana vaha ifaņa nim-muda.

Kanuni faha aropulu dimi ambini :

Kula huluņu misi haki an-fihisiaņa daradja ninfikueshiaņa kiasi, mikuruhusu izi uhisi swiha tsara, ahazu faivaņa, izi ndreka ri havaņa nazi, an-kabaru mifoturu, fihinanaņa, fisikinaņa, fihisiaņa traņa, fazahuņa audi ki lopitali ndreka fazahuan-huluņu zema ki sirikali muhimu : izi misi haki an-fazahuani musada anwakati nin-fipitrahaņa-bure, nin-aretinyi, ninfikupunguzan'ni ziga, nin-fati nin-vadi, ninhaubakokuņa, au am-mukabala nin-fihafahan-raha mampahazu huluņu maisha, hatasibaņu nin-fandihana nin-kabaru bila uvhendza nazi.

Fitirahaņa ndreka hauzazaņa misi haki an-fazahuņa musada ndreka fikututubiaņa mahususu. Zaza djabi, rangu reu nitirahinyi an-vadiaņa atà reu nitirahinyi antani, misi haki miraņa an-fazahuņa hifadhwi nin-taãbu nim-maisha.

Kanuni faha aropulu tshuta ambini :

Kula huluņu misi haki an-fidzuruņa. Fidzuruņa nikulazimu bure, shingani ro, fidzuruņa an-likoli madiniki. Fidzuruņa hasan-taņa nikulazimu mibiaņa an-huluņu djabi ; fidiraņa an-likoli nin-daradja aņabu ninfidzuruņa nikulazimu nibiaņa an-fihiraņa nin-ankitinyi, an-kula huluņu djabi misi maãrifa uhiditri.

Fidzuruņa nikulazimu nikusudia utsatsarufu nimbinadamu, faņanovaņa nguvu mastaha nin-haki-l-adamì ndreka nafasi musingi. Izi tihì nikulazimu nampandehaaluha fikuelewaņa, muswamaha ndreka fiwandzaniaņa nin-tani djabi, ndreka shikao nin-kabila au nin-dini ndreka fandihanaņa-aluha nin-ãmali nin-Uvumoja nin Twaifa (Shama nin-Daula nin-Ulemengu) fikututubiaņa usalama.

Ri huluņu maventi nin-huluņu, misi haki an-fifidanaņa amin'ni raha muhimu amin'ndreu, fidzuruņa tokutru ahazun-ndri zanakan-ndreu.

Kanuni faha aropulu fitu ambini :

Kula huluņu misi haki an-fangalaņa fuvu neka izi shoku, am-maisha ki tamaduni nin-djamaã, an-fangalaņa bastwi nin-swanaã ndreka an-fangalaņa bandza amin'ni fandihanaņa-aluha nin-sayãsi ndreka atsaraņa ahazuņa an-raha retu.

Kula huluņu misi haki an-fikuafadhwiņa zavatra nazi, rangu reu mifotutru ìlimu ata zombo nikumbaņa anfikurumianaņa sayãsi, fanurataņa buku au fikutrungaņa kabaru, neka izi ro tompin'ni raha retu.

Kanuni faha aropulu valu ambini :

Kula huluņu misi haki an-fañanovaņa modeli atà utrilivu amin'ni maisha ki binadamu ndreka amin'ni ulemengu ikubala atà haki ndreka unafasi nikudukuruņa aņatim-Matekelezo itì, ikurumianaņa namuna nin-kulazimu.

Kanuni faha aropulu sivi ambini :

Binadamu misi raha diasinyi ndreka izi amin'ni djamaã nazi ; amin'izi itì, fikuvambusan'ni tweraņa nazi an-nafasi, iu tu ro raha isiani ruhusa maņanu azi.

Amin'ni fikurumianaņa hakin-huluņu, ndreka fihisianhuluņu nafasi, raha retu djabi misi mupaka napetrakansharia. Makuswada nim-mupaka retu, izi ro faņanovaņa

modeli ata fikuḅaliaṇa ndreka mastaha nin-haki ndreka nafasi nin-havaṇa ikueshi ; amin'ni fikusutehiaṇa kua, masharutwi nin-ubinadamu, nin-utrulivu nin-trengwe ndreka fiatsaraṇa djumla nin-djamaã nin-ki nafasi.

Haki ndreka nafasi retu, āla-kulli-hali, tsi uheti ikurumianaṇa amin'ni lalaṇa tsi miaraka ndreka makswada ndreka masharutwi nin-Uvumoja nin-Twaifa (Shama nin-Daula nin-Ulemengu).

Kanuni faha telumpuluni :

Tsisi atà sharia areki nim-Matekelezo itì mbu heti kutafaswirinyi amin'ni lalaṇa mikuruhusu, Daula, shikao au huluṇu areki, ihisi haki itsokao yotsi nin-faṇanovaṇa mahafala au āmali mandrubaka haki ndreka unafasi nikudukuruṇu etu.